



# Rasna Diskriminacija

## Discrimination - Race

**Diskriminacija je nepravedan odnos prema određenoj osobi, na osnovu osobnih karakteristika. U Viktoriji je protuzakonito vršiti diskriminaciju na osnovu rasne pripadnosti.**

### Šta je to "rasa"?

Rasne karakteristike su: boja kože, porijeklo, nacionalnost, rodovske veze, etnička pripadnost ili bilo kakve druge karakteristike, specifične za određenu rasu.

### Primjeri:

Anđan je predao molbu za posao u građevinskom preduzeću, ali mu je ona odbijena. Kada je kasnije nazvao dotično preduzeće da se raspita zašto nije dobio posao, rečeno mu je: "Ranije smo zapošljavali ljude iz tvog kraja, ali vi jednostavno ne poštujete našu radnu etiku. Odlučili smo više ne ponavljati iste greške."

### Gdje se rasna diskriminacija najčešće ispoljava?

Zakon o diskriminaciji, odnosi se na društveno ponašanje, a ne na privatne incidente. To znači da je diskriminacija zakonom zabranjena ukoliko se ona ispoljava kod zapošljavanja, smještaja, uskraćivanja članstva u određenim klubovima, u obrazovanju, pružanju dobara i usluga, sportu ili prodaji ili prenosu zemljišta.

### Primjer:

Ilfad i Vera su Bosanci. Kada su nedavno nazvali mjesni dječji vrtić da provjere mogu li primiti njihovog sina Harisa, rečeno im je: "Da, vrtić ima dosta slobodnih mjesta", međutim, kada je Vera po prvi puta odvela Harisa u vrtić, direktor joj je rekao da bi bilo najbolje da ga ona odvede tamo gdje će se bolje uklopiti.

### Izuzeci:

Diskriminacija je ponekad dozvoljena, ali samo u određenim situacijama. Na primjer, ukrajinski starački dom ima pravo odbiti smještaj osobama koje nisu ukrajinskog podrijetla, keltski klub može svoje članstvo ograničiti na osobe keltskog porijekla, a japanska dobrotvorna organizacija može ograničiti zaposlenje samo na japanske građane.

Poslodavac ima pravo ponuditi radna mjesta samo osobama određene rase, ukoliko je to neophodno za održavanje autentičnosti u dramskom, umjetničkom, zabavnom, fotografskom ili manekenskom domenu.

### Kako Viktorijska komisija za ravnopravne mogućnosti (Equal Opportunity Commission Victoria) može pomoći?

Mi pomažemo da se riješe žalbe na ugnjetavanje svojim uslugama koje su povjerljive, besplatne i nepristrasne. Komisija nije tribunal ili sud. Mi pomažemo da se žalbe riješe sporazumom. Nazovite Komisiju i tažite prevodioca koji je za vas besplatan, ako vam je potreban.

**Linija za savjete (03) 9281 7100**  
**BESPLATAN BROJ (za pozive iz unutrašnjosti)**  
**1800 134 142**  
**TTY: (03) 9281 7110**  
**Email: [complaints@veohrc.vic.gov.au](mailto:complaints@veohrc.vic.gov.au)**

Prevodioci se na zahtjev mogu dobiti besplatno.

**NAPOMENA:** Ove informacije su namijenjene samo kao uputstva. One nisu zamjena za pravni savjet.

**VAŠA PRIVATNOST:** VEO&HRC ispunjava uslove Viktorijskih zakona o privatnosti i odredbi o povjerljivosti Zakona o ravnopravnim mogućnostima od 1995. Naša politika privatnosti može se vidjeti na internetu na [www.humanrightscscommission.vic.gov.au/privacy](http://www.humanrightscscommission.vic.gov.au/privacy) ili o njoj možete dobiti informacije od Komisije. Ovlastila i štampala Viktorijska komisija za ravnopravne mogućnosti i ljudska prava - Victorian Equal Opportunity and Human Rights Commission, 3/380 Lonsdale St, Melbourne, Victoria, 3000

April 2007